

彭剛直公奏稿

彭剛直公奏稿卷之四

會議廣東開姓摺 光緒十一年四月二十日

奏為粵東開姓遵

旨執權利害擬請暫行弛禁收回利權恭摺密行補陳仰祈

聖鑒事竊於光緒十

年九月三十日奉准軍機大臣字寄九月初八日奉

上諭翰林院代遞檢討潘仕釗奏變通挽回鉅款一

摺廣東開姓賭局迭經申禁茲據該檢討奏稱澳門開設開姓公司利歸他族現在海防需餉請飭體察情形

能否將澳門開姓嚴禁抑或暫將省城開姓弛禁等語著張之洞倪文蔚妥議具奏至所稱副將彭玉夥同奸

民何貴等私收開姓各節並著確切查明究辦等因欽此又於十一月十七日奉准軍機大臣字寄十月二十

三日奉

上諭據御史何崇光奏稱省城開設開姓廠視澳門開廠流弊尤甚請飭申明厲禁等語著張之

洞倪文蔚歸入潘仕釗前奏執權利害一併妥議具奏另片奏請將開姓賭匪陳恒等嚴拿懲治並著查明究

辦等因欽此又於十一月二十九日奉准軍機大臣字寄十一月初六日奉

上諭據翰林院侍講梁耀樞

順天府府丞楊頤奏開姓說復開縵陳科場舞弊商賈受累奸民縱恣賭匪橫行四害請旨嚴禁並聲明澳

門僻居一隅視從前開姓已減十之六七等語開姓弊端甚多本應嚴申禁令惟須一律禁止不使利歸他族

方為上策若如該侍講等所奏不特省城未便弛禁即澳門亦可逐漸禁絕應如何設法辦理之處著張之洞

倪文蔚悉心籌商妥議具奏等因欽此臣等博訪周諮執權利害於十一月二十七日電奏請

旨旋准總

理衙門雷開十一月二十九日奉

旨彭玉麟等雷稱粵省開姓請暫弛禁濟餉等語著依議行仍隨時體

察如有流弊即行奏停欽此欽遵查照先後咨行在案伏查廣東開姓一事自前撫臣張兆棟奏請申禁以來

逐為澳門利藪於是議塞漏卮者率皆以此為言並不因籌餉而起海防既亟籌澳防籌軍餉者言之尤切臣

玉麟上年五月條陳廣東事宜疏內本有開姓弛禁一條臣之洞到任之初曾經錄稿相示自八月奉受防澳

門之電旨九月奉能否弛禁之

寄諭當經分別會飭司道府縣各官妥籌詳議旋據布政使龔易圖按察

使沈銘經監運使瑞璋督糧道益齡會同並後局轉據廣州府知府蕭韶署南海縣知縣危德連署番禺縣知縣侯甲瀛詳稱自同治三年至同治十年歷經地方官查拏閩姓罰認軍需疊次共罰繳銀四十餘萬兩均經奏明有案光緒元年申禁以後奸民私於澳門設局輸資葡人澳商作護官力遂窮藉此巨資購船置炮近且接濟法廣規同省垣莫為粵惠中外共知為輩驅爵有名無實藉寇資盜有損無益現經紳商具呈如蒙弛禁情願認捐巨餉此時餉源無出亦可藉紓目前之急即據誠信堂商人張榮貴敬忠堂商人楊世勳等呈請合辦以六年為限共捐洋銀四百四十萬元五個月內先繳一百五十萬元其餘二百九十萬元按年分繳當經彙集省城大紳暨各書院山長前赴明倫堂團捐局公同面議再三詰問僉謂可行並據署水師提督方耀署陸路提督鄭紹忠咨稱防務甚急絕澳之援增我之餉無逾於此應請速辦等情會詳請奏前來臣等會查潘仕釗所奏言弛禁便何崇光梁耀樞楊頤所奏言弛禁不便兩說判然若水火之不相入恭繹九月初八日

諭旨則曰孰權利害十一月二十九日

諭旨則曰不使利歸他族

宸謨二語精要無遺實為此事之

權衡羣言之斷制謹先言資敵之害葡與法通確有明証上年七月二十一日之電旨十二月初二日曾紀澤倫敦之電信香山縣丞之密稟以及港澳各項探訪員紳洋商之密報皆謂法將借地泊船屯兵內五門窺省許以法向租澳地酬葡去秋開戰後法領事薩來思之子即潛寓澳各屬教民多逃赴澳以至代招游匪運助火食鑿鑿可稽海警方殷之時接濟苦於不能斷口岸苦於不勝防豈更可豐其毛羽資其巢窟害一也或曰中法兵費有時而彈葡雖助法何妨則請言養寇之害粵省大患首在香港澳門一東一西塞我門戶百事不得自由數奸撓法伏戎乘虛港猶隔洋澳則接壤所幸澳尚貧弱商業蕭疏近年茶商頗為減色自閩姓移館以後游民雲集實販爭趨各項公司日增月盛澳民增一商澳商增一餉澳商歲收閩姓稅數十萬他稅亦數十萬澳商歲增數百萬於是增兵額加炮台以二十萬向外洋租置戰艦聲勢日張彼商務不足自存而我驅華商租稅以富之坐使肘腋之間增一強隣廣州永無安枕之日害二也或曰葡雖富強亦無能為則請言

自耗之害財物止有此數枝強則幹弱外溢則內虛三十年來廣州商利半利香港此已無從追論澳門陸路相接通逃尤便閩姓開先公司踵後洋界日富官會日貧損境內有釐有稅安分守法之良商而為累外法令不及徵稅不如之奸富害三也或曰何不如言者所云查分館責兵役以禁之則請更言妨政之害由明文申禁以後太吏避開閩姓之名而又欲擴開閩姓之利於是造為截緝之說委派員紳各路搜截不牙四出白晝橫行分館之家得規者免佛山為近郊大鎮偵知其館最旺利最豐委紳陳桂士作緋擒捕官得罰款七萬兵役地棍所得可想而知民間大擾遂被言官參奏上年七月初六日欽奉 寄諭飭臣之洞查辦在案數年來

肇慶韶州清遠之分廠如故官商之投買如故紳棍衙臺之陋規如故上造子虛焉有之言以欺 朝廷下行告緝沒入之法以罔百姓名實相違進退無據咸何政體害四也或曰言者所陳尚有責巡船禁渡船之法則請言擾民之害有殫則議往有市則賈往澳館大開利徒安阻夫賣閩姓者人給數葉之卷買閩姓者人挾數寸之紙縣縣有之日日有之必將於各屬通澳水陸各路歧塗支港設巡船數百號駐巡役數千人凡往來商旅良賤解衣倒篋人人搜檢終年無休王道盪平之世安有如此政體哉即使為之而巡邏之費放赴澳洋人之夾帶北自京城上海南至暹羅呂宋新嘉坡中外輪船之遞送果有何術可以禁絕查澳館初開之年葡酋歲貢稅餉十餘萬上年遞增至三十餘萬必其利厚然後稅多若謂近年已減十之六七何以澳商認稅爭充轉加三倍然則禁令之行與不行投買之減與不減亦畧可知矣禁則無之擾則有之害五也有此五害即無捐餉助軍之舉亦宜鮮此虛懸之文網以塞切膚之漏卮矣且即以籌餉而論去秋以來強敵在門連營在野外援台閩滇桂內防廣潮廉瓊軍械工程炮台河道警備萬端京餉已留借款已罄釐稅不足勸捐不應自交冬令事益急而餉益枯始則停工繼則欠餉 臣等與司道將領外費拮据內困羅掘日夜憂焦其時處暑天寒各營將士枕戈達旦若非幸蒙 聖恩得此巨款百餘萬聯濟目前與事殆不堪設想夫籌餉事體何一不

取之於民抽收捐集錄奏皆艱即每年數十萬亦何容易軍餉多一來源即民間少一搜括此則贖軍實之與

恤民生尤顯然相為表裏者也至何崇光等各疏大旨略同命意何嘗不美陳義何嘗不高然但論開姓之當禁而不考歷年之未嘗禁且不思禁省不禁澳之不如不禁諸臣皆為粵人而並不考粵事殆非核實平心之論乎此舉自奉 旨飭議後臣等即懸牌揭示禁絕官吏使費與受同科責令該商將向來各衙門規費數十

萬盡數歸公加入正款於是正項由三百萬加認一百四十萬似已塞盡利孔周諮博訪官紳士庶眾論攸同若謂此數百千文武紳民人人皆為賭匪所役語語皆懷關說之私斷無此理若謂商賈受累奸徒得規則省澳有何區別屬禁愈嚴索規愈暴陳桂士以得規參所得者省禁澳開之規也彭玉亦以得規參所得者亦省禁澳開之規也此皆諸臣原奏所言者也至科場弊端自宜嚴杜特是作樂者在省與在澳同粵省有匪徒名為闖棍紅姓包槍招搖射利歷年有之惟在學政考官明於校閱監臨提調嚴於關防自無弊竇查粵中司文衡者物議紛紜適在光緒元年既禁開姓之後潘仕釗疏內已許不待煩言而解現經臣之洞臣文蔚等嚴章明示凡闖涉學政考官及各衙門人等不准投賈責成該商稽查如投買之人與得標人可疑者即行舉發查究將所得之采充公該商隱匿不舉即封其館不准開設使棍徒無從獲利其弊自絕臣等學術才性素近迂拘若僅恃此為防海之良圖理財之上策臣等雖陋不至此然當此安攘交亟之際而有權宜弭患之方既已詳考博議利害較然斷不敢飾空論以欺 聖明務虛名而滋實禍所有開姓暫行弛禁一節現已飭行司局恪遵十一月二十九日

電旨妥為辦理以後仍隨時體察如有流弊即行奏請停止抑臣等更有進者

此舉原屬權宜不得不然終必須禁絕根株方為常經至計以後粵防自必日求強固惟有俟我兵力漸強船炮足備先行移檄澳酋約彼不得梗令既匪違者絕其通商然後省澳一律通禁禁護符既餒令下風行庶乎坐言起行確有實際此則臣等竭力圖之而寤寐不敢或忘者也至副將彭玉澳商陳恒何貴等在澳設廠收規各情由臣之洞臣文蔚另行查明覆奏再何崇光等摺係交臣之洞臣文蔚議奏因此議原係司道具詳紳商具稟經臣玉麟與督臣撫臣公同飭議批准先於上年十一月二十七日會銜電奏是以此次摺奏仍會同列銜

合併聲明所有遵

旨籌議閩姓利害請暫弛禁以塞漏卮各緣由理合繕摺合詞補行具

奏是否有

當伏祈

皇太后

皇上聖鑒謹

奏

創設廣安水軍摺

光緒十一年五月二十五日

奏為創設舢板炮船設立廣安水軍頭炮均用七百斤梢炮均用三百斤以防內河恭摺 奏陳仰祈聖鑒事
竊惟粵東防務當去年秋冬之間中路首衝白虎門以內至黃埔魚珠沙路南石頭等處水陸戰守之具已有
規模惟迤西蕉門橫門磨刀門虎跳門厓門五口外廣而內歧又平旁通皆可互達巨艦可入口百里或數十
里中小輪則可由五門而簿省垣由磨刀門入西江而薄肇慶敵若犯境必以巨艦綴我中路而以餘船旁突
五門窺我堂奧雖於西路近外之盤古廟荊角村菱角洲右口汎博刀沙大律口圭沙等處近內之陳頭五斗
口蕉園口銀河口東濠口等處築壩造礮酌量攔塞分築土臺聳軍安炮特是台粗炮小力量殊薄若無水師
萬一敵船闖入省河將坐視其縱橫城下復經分駐紅單船水勇以助各台調集各路巡緝扒船以資策應然
而紅單重滯非風不行板屋高大招炮引火扒船頭方底平行駛其遶船腰有艙阻塞幾路皆非戰具徒以別
無可用之船不得不姑就固有者布置應急至贖正之交遊報日昨省請將贛五門以窺粵省臣之洞臣大尉
屢與將弁詢究省河如何防禦率多游移無詞此時欲製淺水輪船而倉卒難成已購外洋雷艇而阻絕難至不
得已而思其次惟有用舢板炮船之一法蓋省河非戰艦所能到舢板炮船以多制寡以小制大以散制整未
為非計查法人慣用小雷傷我兵輪惟有舢板可以防彼攻襲本年正月十五十七等日浙江鎮海口內南洋
兵輪三艘將法船雷艇擊敗即得舢板之力是此船可以禦敵確有明証去冬已先令署南海縣知縣同知危
德連試造數號驗之可用但覺其本因與臣玉麟籌商定議即委危德連督提督王光耀前記名總兵柏正才
購料設廠創造舢板炮船一百號募勇配炮以百號分為三營統名為廣安水軍營制餉章俱照長江水師規
制間有不便稍加變通照章仿造長龍四號為統領營官營務處乘用一切工匠由臣玉麟向長江水師船廠

調集併令熟習操縱之營弁親兵監造巡巡水師之將弁為統領營哨官其募配水勇之法定為湘勇三分之一二勇勇三分之一非導以相勇不解駕駛非參以粵勇無從練習他年運用漸熟便可多配粵軍緣紅單扒船起居皆便長江炮船上無屋均用布帳粵勇敢戰而不耐苦故向不喜用此式之船前撫臣蔣益澧曾於粵省造船板多隻以供巡緝行用靈捷有案可據此船製造甚速早經造製多隻六月內一律竣工即可成軍操演為粵省內河水師張其風氣太抵粵防為五門計為省河計以多造淺水輪船多購魚雷艇多布水雷為上策此數百里間縱橫港汊彌望沮洳無地可以建壘無路可以通軍行目前勉造土台類多孤雷隔絕蓋其地勢斷非炮台所能偏防陸營所能肆應無陸隊則炮台為孤注無台船護守則欄河橋壩僻船水雷皆為棄物方今巨艦水師未成淺水輪船未備惟有炮船水雷之舉尚可尅期觀成此外更無防守內河之法要之以漿船禦兵輪似乎不敵然而裡河支港迅駛環攻護我之水雷擊彼之雷艇雖有摧破巨艦之大力確有便捷如意之實用粵省劫盜最多水路尤甚舊設之扒船器械朽鈍練兵飢疲積習亦深將來防務大定即以此項舢板炮船分撥附近省河各認地段分汛巡緝漸減無用舊船勝之遠矣其造船工料編營新糧配用炮械應俟成軍後核實奏報目前即將所募紅單水勇先行裁撤移具船租餉項以充此軍之用據善後海防局司道會詳請 奏前來所有創造舢板炮船設立廣安水軍緣由除咨部外理合繕摺具 奏伏祈

皇太后

聖上聖鑒謹

奏

海防善後事宜摺

光緒十一年七月初七日

奏為遵

旨籌議海防善後事宜謹就管見所及恭摺具

奏仰祈

聖鑒事竊臣於五月二十七日准兵

部火票遞到軍機大臣字寄光緒十一年五月初九日奉

上諭現在和局雖定海防不可稍弛亟宜切實

籌辦善後為久遠可恃之計前據左宗棠奏請旨飭議拓增船炮大廠昨據李鴻章奏仿照西法創設武備學堂各一摺規畫周詳均屬當務之急自海上有事以來法國恃其船堅炮利橫行無忌我之籌畫備禦亦當開

立船廠創立水師而造船不堅製器不備選將不精籌費不廣上年法人尋釁迭次開仗陸路各軍屢獲大勝尚能張我軍威如果水師得力互相援應何至處處牽掣當此事定之時懲前安後自以大治水師為主船廠應如何增拓炮台應如何安設槍械應如何精造均須破除常格實力講求至於遴選將才籌畫經費尤應謀之於豫庶臨事確有把握著李鴻章左宗棠彭玉麟穆圖善曾國荃張之洞楊昌濬各抒所見確切籌議迅速具奏江蘇廣東本有機器局福建本有船廠然當時僅就一隅所見未合全局通籌現應如何變通措置或扼要設總匯之所或擇地添設分局以期互相策應呼應靈通並著李鴻章等妥議奏辦總之海防多年廢置業已不貲迄今尚無實際由於奉行不力事過輒忘幾成錮習該督等俱為朝廷倚任之人務當廣籌方略行之以漸持之以久毋得因循常襲故轍拾從前敷衍之詞一奏塞責李鴻章左宗棠摺著分別鈔給閱看將此由六百里各諭令知之欽此伏見 聖上乾惕為懷勵精圖治當海氛甫定之時為未雨綢繆之計以期有備無患薄海永清誠 國家億萬年無疆之福跪誦之下欽服莫名 臣維泰西諸國自道光挾其兵輪火器橫行海上近者日本復從而效之與西夷狼狽相倚狡焉思逞兇噬益張海疆日以多故我之屬國琉球已併於倭越南復入於法俄與日本又復垂涎朝鮮將肇釁端及今若不力圖自強大修軍政則狃糠及米後患何可勝言謹將臣愚所及臚具於後以備 聖明採擇焉一日分重鎮以領水師中華瀕海之地自奉錦以迄瓊崖縣延七省萬有餘里其間海口亡慮千百若處處設防徧布重兵不使敵兵一人一騎登岸非惟無此兵力且亦無此辦法同治中丁日昌請設三洋水師提督左宗棠謂海洋一水可通輪船聞警即至北東南三洋各駐師船常川會哨自有常山率然之勢若分三洋轉生畛域李鴻章亦謂宜以全力扼要隘而戒散漫分防 臣按沿海地段過廣在在設防所費勢必不給然但建一軍府而三洋咸歸其節制亦覺濶濶而運掉不靈如立軍府於津沽則瓊崖有事待請命而始赴援亦緩不濟急矣且海口各防隔絕太遠則稽察必疏難保不別生變竊實西洋英法等國兵制水師僅專設一海部統之者其疆域編狹不逮吾華十之一勢固有所不同也 臣擬設一總統

駐紮吳淞分設兩大鎮一駐大沽直隸及盛京山東江南各海口屬之一駐廈門浙江福建台灣廣東各海口屬之每鎮設鐵甲船六號大小兵輪十二號其餘海口分首衝次衝酌派兵輪駐守精選兵將勤加操練講求駕駛攻擊之方務期精熟察視險隘沙礁之處務使周詳將則優其俸薪毋使有尅扣兵則厚其口糧毋使有濫充無事則出洋梭巡以習勞苦以練胆氣遇有漕船可以護送兼可代運有警則出兵而應之鄰鎮亦調師船助勦察敵勢之緩急以定調船之多寡不得歧視至於水淺溜急及多沙礁口岸敵船必不敢輕犯可檄派地方防營守之且水師聞警即至或迎勦或截擊或尾追無難立時驅逐該兩鎮歸總統節制其一切大事聽總統調度惟吳淞一口為長江門戶除臣於光緒六年具奏奉 旨飭南洋大臣造二十丈長輪船十隻自成一軍因經費不給僅造成一隻仍請 飭催造九隻外須添置鐵甲兵艦二隻並 飭長江水師提督兼

顧防範其兩鎮帥每年周巡各海口一次約期會哨於吳淞凡海防事務其有宜因宜改宜行宜革者酌議會同具奏以期悉臻妥善如此則軍威可振海氛可熄矣二曰練陸軍以輔水師沿海師船布防既密則陸防似在所緩矣然敵人狡譎以舟師攻我要隘如不能入則密探旁路以旱隊繞出我後使我驚遽失措然後舟師乘隙而進務逞其志庚申天津之役其陸兵繞道北塘 畿輔震動以致大沽守師因而潰敗可為前鑒今

設一總統兩鎮專辦海防水師宜各精練成為可靠之軍再練陸軍一萬數千人厚給口糧嚴革虛伍尅扣之

弊必期一人得一人之用擇水師左近要隘駐紮務須聲勢互相聯屬倘敵或登岸有水師綴其後彼不能無

返顧之虞有陸師截其前又難逞其鋒突之毒首尾夾擊不難一鼓殲旃即令其冒死弗退更番迭進而我以

兩軍之力抗之彼亦斷難久持如是則水陸相倚奇正相生外夷知守禦之既堅必不復輕於嘗試況陸軍邏

巡海岸則教民之私相勾結接濟淡水煤米之路可絕而盜賊之出沒海壖者亦必因之潛踪其裨益不尤溥

哉三曰東三省之籌防宜豫東三省為 聖朝龍興之地屏蔽 京畿其地黑龍江以西興安嶺以北皆

為俄壤南與朝鮮接壤目今俄與日本又復窺伺朝鮮邊界蠢蠢有欲動之意三省之防自不可緩可否請

旨飭下東三省將軍都統等除各海口歸北洋海防一體籌辦外其黑龍松花瑣春等內江設法創設兵輪配購槍炮分置要隘不時巡閱操演務令技藝嫺熟駕駛靈便庶可有備無患至於陸兵則吉林勁旅天下無敵其人率多材武招練成軍自可得力惟西夷陸戰全恃開花大炮其炮最能及遠奇中近越南谷松等戰之敗卽皆職此故避之之法在立地營南方卑溼久處地營多生疾疫東三省地勢高燥自無慮此宜擇善為地營者往教軍士俾人人皆知此法由是水陸皆有戰備一日有警募難脩矛脩作迅掃凶鋒豐鎬上都金湯永固矣四曰台灣以練勇辦團為先東南洋面定海地僅彈丸瓊州土地硤确又多瘴癘皆非敵所措意或旁務及之我有兩大鎮鐵甲兵輪調以禦之彼何能為也物產富饒礦利尤旺為外夷所歆羨者其台灣乎道光中英夷內犯江浙旋犯台灣近則倭人窺之於前法夷擾之於後蠱爾羣夷其害蓋無一日忘台也我有台灣瀕海數省可資其藩衛如失台灣則卧榻之側任人酣睡東南洋必無安枕之日故防海以保台為要保台尤以練土勇為要何則外來客兵皆非土著多增一兵即多一寄食之人台地孤懸海外餉由內給則籌運維艱取之一台則久必中墮再值兵事嚴急海道阻遏即欲援濟而無從如日前之事已岌岌乎殆矣惟募本地之勇以台產養台人而食不多加多即以台人護台地而奮勇必須招集二十營分為水陸兩軍餉必從重練必期精俾成勁卒用當前敵敢死之鋒至於防守險要接應聲援禦備緩急為長久之計又非團練不可蓋台之情形與內地不同台民性情直遂易為感發一也好勇輕生敢於戰鬥二也貨產殷沃重顧身家三也進有所賞退無所往四也近者暖暖村義民之戰月眉山土勇之戰皆能憤切同仇力抗驕虜若能認真舉辦簡任賢能專領其事隨時隨地親身督勸區畫經營一如自謀其私更不時掃閱以督率之酌加犒賞以獎勵之行見民皆同澤志可成城此外兵輪鐵艦分置於海口水雷浮標潛布於港汊其鹿耳雞籠淡水不屹然為海外一巨鎮乎五日學習技藝增造船炮務求實效也西夷挾其堅船利炮驛騷海上而我不能制其死命者徒以器械不及其堅利耳然則欲求制勝之道自非師其所長去我所短不可左宗棠請增拓船炮大廠李鴻章請創武備學堂

誠為深謀遠慮然同治初曾遣學徒出洋習藝迄今二十年未聞學徒有西學卓絕製造精妙者閩中管帶兵輪之張成學徒中之稱著者也馬尾之戰大帥誤信其言遂至債事查船炮機器局閩之馬尾蘇之滬上創立業已多年所造船炮皆不堪為重洋角逐戰陣之用悉因西匠技藝不精為該國不用之人而中國用之西人議論有謂閩局洋匠日意格督造苟簡且故以火藥艙與機器艙相連其用心實為巨測又有為滬局所造之船率皆肥薄所造炮均不精緻不能禦敵出洋歷年花費不免不為局員中飽者是學徒與船炮二事舉行不為不久糜餉至數百萬不為不多成效固茫乎無有也今復踵事加增其果能日起有功乎抑猶不免因循而蹈故習乎若以艱難羅掘之餉仍供無益之一擲其無謂也為今善後之計如臣光緒元年專摺所奏各疆臣宜認真講究吏治軍政士氣民情四大端以立自強之基已奉 旨通飭照辦所在案外茲惟乞 飭沿海疆臣於閩滬廣東各機器局廠廣籌經費拓增船炮以大自強之勢為急務臣賦性迂拙深惡夷人兼惡夷學於外洋製造之精微器物之良窳從未留心講求故於洋務毫無所解竊見出使英法德俄各國使臣曾紀澤平昔究心洋務致力頗深近奉使西域駐彼且及十年閱歷既久推究必益精詳可否請密

諭該使臣細加考察西人之

船炮何者為佳何者為不佳製造之事若何則佳若何則不佳一一尋究其所以然之故繪圖列說以發明其理俾董理船政者有所資以考證並密訪夷匠之極精於治船炮及水雷魚雷鐵浮標一切之事者以重實厯

倩數人瓜代時攜其來華分置閩粵滬津各船廠炮局助其工作共相講貫精益求精必能有益六曰餉糈艱

絀務須廣籌也今茲籌防方亟需用日繁自非設法圖維何以支持時局上年工部會議籌餉開源節流則例

綜覆積密斟酌整宜若能永遠遵行於度支豈曰小補惟一時欲驟增千數百萬金錢以濟軍用亦恐未能臣

再四籌度似有數事尚可舉行各省釐金咸豐同治之文髮逆捻回相繼作難蹂躪幾遍天下需用浩繁而

皆取給於釐金未嘗不足其後軍事稍定多撥作他項支用且有辦理不善以致此數短絀者宜請 旨飭下

各省督臣撫臣清查釐金如有滯為不急之用宜即移緩就急改充船炮經費其下局員役如有侵吞入己及

私行買棧者查出重懲嚴參治罪務期涓滴歸公果能切實奉行每歲可收回濫用及偷漏釐稅數百萬兩各省食鹽每斤加價錢二文按綱彙數解司務令於場餘包餘加斤等項一律加價每年約可增課數百萬金吾華地大物博礦藏極多金銀銅錫鉛鐵煤礦無所不有乃棄之於地不知取用詎不可惜今或至擾民者皆由辦理不善遽謂礦不可開無乃因噎廢食請飭下各省疆臣查察境內有礦之處設廠開采或由官辦或招商辦務須經畫盡善期於必行由是地不愛寶取不竭而用不窮富強之道孰有便於此者哉若夫捐納不減成則難期踴躍減成則仕途冗雜名器太濫借洋款則取給一時耗息太鉅皆非可屢行之事他若鈔法則窒礙多端加賦則流毒無極此乃末世之政非 聖朝所宜議及也為政之要莫先於用人得其人則理不得其人則否由遠古至今未有以易也然知人則哲古聖所難其亦就其事以觀其人庶幾拔十得五乎如察將領之才先選其樸實為主再考其訓練士卒整頓營伍察會計之才先考其篤信再求其鉤稽之密操守之廉準此以推總期考驗之真不參愛憎之見雖不中不遠矣臣衰朽頑唐身嬰痼疾備防備表寸效毫無每思宵旰勞臣不禁清夜涕零為之寢饋俱廢詎承 聖訓垂詢昏眊之餘智慮短絀安有深謀至計上酬 清問但冀舊恩忱亦有不忍自己者謹傾竭愚見縷晰馳 奏伏乞 皇太后 皇上聖鑒訓示施行謹 奏

密保將才海防片

光緒十一年七月初七日

奏伏乞

皇太后

皇上聖鑒訓示施行謹

奏

再密陳方今海疆多故沿海戍以重兵並添置興造船炮等局必須擇熟悉洋務之大臣主持其事庶可收實效而持久遠竊見出使英國使臣兵部侍郎曾紀澤早歲即喜談洋務於外夷之製造語言文字皆嘗究心近出使泰西經歷各國駐英且近十年必於各國之人情風土政事軍政以及修造船炮之類皆已備悉周知出所學以相印證自益臻邃密目下瓜代計將及期可否仰懇 天恩飭其督辦海防水師事宜並督察船炮等局必於防務大有裨益蓋能悉外夷之軍政則水師如何可以制敵之處始能推究其故而因事制宜能悉外夷之製造則我船炮局廠之洋匠不敢欺謾而器始精利能悉夷情遇有交涉之件與之辯論動中肯綮而

事易了結此其樞紐甚微關係甚大自非洞曉洋務必不能勝任愉快且曾紀澤識趣甚正非若今之尊西學者欲盡棄數千年周孔之教而從事於洋務又復所學不精稍有毛皮即借此侈談欺人以便其蠅營狗苟圖為進身富貴之階者可叱故臣竊以為辦理海防水師事宜兼督造船炮等局如該侍郎其人殆莫之或先也惟海防水師貴得統帥尤貴得將才否則無以相助為理查有浙江提督歐陽利見福建水師提督彭楚漢署福建陸路提督孫開華瓜洲鎮總兵吳家榜漢陽鎮總兵高光効均身經百戰奮勇無前為水師中不可多得之員又記名總兵吳安康廉潔強幹以上六員皆有膽有識為守兼優實為干城腹心之選臣既知之甚確用敢臚舉 上聞以備海疆之用微臣因海防大局起見冒昧附片密陳伏祈 皇太后 皇上聖鑒謹奏

遵查廣東藩司參款摺

光緒十一年七月二十六日

奏為遵

旨查辦前廣東藩司龔易圖被參各款據實覆陳請

旨懲處以肅官方仰祈

聖鑒事竊

臣准軍機大臣字寄光緒十一年六月初十日奉

上諭有人奏調任藩司龔易圖前在廣東各任內勒索

巡丁收受賄銀懸丞薛瑤光浮冒軍火並不撤參稅廠陋規不能復革且將裁兵之費為屬員賄墊之款幾釀事變現在聞姓弛禁該藩司從中牟利並以部民鄧姓之女為妾及徇庇同鄉袒護劣員貪黷巧詐請飭查辦等語著彭玉麟按照所奏各節確切查明如果屬實即行從嚴參辦另片奏河南開歸陳許道潘仕釗猥鄙刻薄素為鄉里所不齒在籍時與華員潘增榮認為叔侄控案疊疊此次聞姓之議該員在編修任內奏請弛禁該廠先饋銀二萬兩開辦後利則均分等語著彭玉麟一併嚴查據實具奏毋稍隱徇原摺片著分別摘鈔給與閱看將此由四百里諭令知之欽此臣以案情重大關涉監司大員遵即將原參各款逐一訪查雖人言不必皆實而物議究非無因該藩司龔易圖由庶常改選雲南大理府雲南縣知縣逗留不前改捐同知投効軍營得留山東屢經部駁以規避取巧革職在案其時當咸豐庚申辛酉之間天下軍事方劇凡分發各省人員

如庶常改選進士即用一遇軍務省分徘徊觀望營求奏留者不止該藩司一人雖經部臣議駁而聖恩寬大猶復棄輟錄用如該藩司遂至海升府道陳臬江蘇維藩南粵正宜如何激發天良力圖報稱乃制行不謹致速官謗譚章所及列款累累臣潛訪密勘已得端倪不敢深文亦不敢隱徇謹將其事之虛實一一為

皇太后 皇上陳之原參稱謀署運司勒索巡丁一節該藩司於光緒七年九月到臬司任八年正月兼署兩廣運司查粵東鹽務省河及各廠巡丁向歸各廠委員總辦派充自前運司何兆瀛收歸運署接任段起力除其弊遂不派充該藩司接任後不能檢束家丁難保其必無需索惟事隔稍久難以覆按至兼署運司係在段起病故出缺之後尚非力求督撫而得臬署揭封賭館陋規相沿已久收受與否惟視本官之自愛與否自前臬司金國琛後歷任臬司皆以此款捐置善堂書院該藩司任內亦循前法歸充公用有簿籍可稽其未收受賭館揭封陋規尚屬可信原參謂該藩司升任雲南時藉事遷延希冀對調查該藩司於光緒九年六月升授雲南布政使適前督臣張樹聲於七月回任因海防多事兼有汕頭洋務一案未經了結總理衙門亦派該藩司專辦此案故該藩司得留粵東既而與剛毅對調是奏留對調皆前督臣張樹聲為之該藩司尚非無故逗留者比又參肇慶府黃岡稅廠承充陋規為該藩司收入私囊任其短解查粵中稅廠有數年而一充者有易一任而一充者黃岡稅廠五年一充歸藩署陋規銀三千兩此次承充在剛藩司任內該升任藩司以此項加一千兩撥助海防經費且黃岡稅廠係歸肇慶府徵收批解藩署有案可稽是該藩司未值承充之時既無陋規可收廠中正餉亦不能任意增減可知也廣東州縣交代虧空原屬不少原參稱該藩司將裁減練兵之費為州縣填欠欺其事係傳聞失實蓋該藩司在署藩任內以餉項支絀前督臣張樹聲有各營俸餉緩發二成之議該藩司欲承其意而礙於回章又值升任藩司剛毅到任遂寢其議是此事並非從州縣起見且雖經議論而未果施行實無幾釀事變情事又參閩姓弁利勒索規費查此次閩姓弛禁原為堵塞漏卮暫作權宜之計該藩司承辦此事緣有候補通判蔡壽嵩因候補通判劉鼎得以趨附該藩司之門代商人關說閩姓該

兩人慣習錯謄聲名猥鄙故人言藉藉謂有納賄之事究之事無左驗不能臆斷且此件已有另案查參澈底推究自不難水落石出應請歸另案辦理廣東州縣浮收水羨曾經前撫臣蔣益澧奏明裁革上年以海防經費浩繁籌措無術經司道等會議詳請復行徵收一年已經部駁有案事已不行應免置議惟原奏內稱該藩司納民女用私人並徇庇同鄉袒護劣員各節查明實有其事水師中營補用游擊梁肇駿順德人原冒頂守備梁英病故之名因在粵人皆熟識故赴山東投効改名肇駿與該藩司在山東認識前年回粵謀合其胞嫂之妹鄧氏為該藩司之妾因得管帶海東雄輪船武營皆不齒之經督臣張之洞特奏摘去頂戴並撤差使其妾父名鄧茂鴻番禺人係五品軍功妾兄名鄧耀廷居住省城外河南救珠橋宜安里在太平沙開設永安和鹽館人皆知之妾之孀母梁氏往來藩署亦時有至傳遞滋弊踪跡秘密莫可稽查此該藩司納部民為妾實在之事也有商人石應麟者福建人在香港開設小洋行在粵省城外開設觀海樓牌館因與該藩司家丁蔡永軒結識遂出入藩署者購買軍裝浮開價值凡購買外洋軍火均由該行換立行單蓋凡大洋行交易祇有九五扣此外則不肯浮開一由該行換票則惟意所欲其中顯有乾沒之弊又為其子石和鈞營幹以解運軍火為名得保把總曾將軍火槍械沉溺海中致損湮歸於無用復與蔡壽嵩串買年久朽壞輪船一隻其價倍開朋分鉅款又得管帶廣威輪船其善於鑽謀如此查軍火槍械為行軍利器各省採辦皆遠派廉幹之員以昭慎重該藩司乃以重天事件委之市井小人輕藐要需實屬不成事體應請飭下督臣撫臣清查明確勒令賠繳以儆浮冒此該藩司引用私人徇庇同鄉侵蝕採買實在之事候補通判劉鼎兼當數差派充營務處文案該藩司開立佛山火藥局委劉鼎總辦其事名為坐辦實不到局經理光緒十年十一月十三日辰刻該火藥局不慎致燬於火轟斃工匠一百九十餘名焚燒去火藥數百萬斤轟聲震動省城臣營亦聞之幸該局與佛山鎮市相距較遠不致延燒民居是該委員應如何懲儆乃該藩司竟以含糊了事有心掩庇情節顯然陽江縣丞前署南海縣丞薛瑞光本係廣東人冒籍福建向為洋行服役略通洋語以此奔競得差重疊其薪水

每月支至四百金為粵省道府兼差新俸所未有該藩司謂其能辦洋務引為己用前藩司剛毅因其行止卑汙聲名狼籍屢請於前督臣張樹聲撤署南海縣丞並請省中各差飭到陽江本任均為該縣丞從中鑽營得免不為動搖嗣因司道等公言始撤南海縣丞署任仍留省中各差該藩司與剛毅對調後又復優加差事查該縣丞所辦洋務不過藉事訛詐從中漁利並未了過一事其購買軍火係該藩司總辦善後局務一切把持任其侵蝕此該藩司袒護劣員實在之事也凡此數端臣考諸官僚證以輿論確鑿非虛不敢以該藩司調任湖南守居邦不非之義夫粵東吏治弊竇滋多罔利圖私者以廉恥為無用阿諛競進者以正直為狂邪習染已深由來者久督臣張之洞到粵之初適當海防吃緊之際籌餉籌軍日無暇晷自未能兼及吏治該藩司請假實因有病委無督臣再三挽留亦無手書隱言不加彈劾之事惟該藩司以旬宣大員用人行政紕繆如此無怪眾論繁興輿情不洽其應如何懲辦以為大儆營私不職者戒出自聖裁廣東候補通判劉鼎基壽

嵩陽江縣丞薛瑤光均鑽營取巧朋比營私應請

旨將該員等革職永不叙用以儆官邪廣東候補游擊

梁肇駁候補把總石和鈞行為卑鄙應請一併革職永不叙用以肅營伍至原奏之劉忱現署博羅縣知縣雖

與該藩司屬在親誼並無顯著劣跡表伯玉籍隸江西聞為原籍現署番禺縣事辦事尚為明晰亦無劣跡可查陳嵩壽之名與蔡壽嵩彷彿該員經前督臣張樹聲奏奉由通判降選縣丞現充署水師提督方耀營文案

曾因他事為該藩司所誣責實非該藩司私人原奏殆未知其詳該三員應請毋容置議河南開歸陳許道潘

仕釗確實查察於閩姓受賄事並無過交實據惟在籍時與同姓不宗之潘增榮認為叔侄與之扛訟把持地方官府品行不端桑梓嘖有煩言實屬貪利無恥有玷縉紳應即請旨革職所有查明調任藩司蔡款緣

由謹據實覆陳恭摺具

奏伏乞

皇太后

皇上聖鑒訓示施行謹

奏

請撤防開缺銷差摺

光緒十一年八月十五日

奏為請撤防軍節省餉項並

微因

病狀增劇難以速痊額懇

天恩俯准開缺銷各項差使回籍調理恭摺

多川直公奏高

奏

奏

具 奏仰祈

聖鑒事竊 臣前奉 旨議議海防善後事宜仰見

聖謨深遠慮事未形及今未雨綢繆

海疆庶期永靜惟是興辦一切需用極為浩繁若非樽節冗費何以資挹注而無虞不給粵中自辦防以來添募之軍林立就中酌留得力營伍分布要隘已無不足臣所部一軍自宜全數撤去騰出餉項以應要需查臣軍由江南調來合字三營數字一營向由江蘇給餉湖南調來振字四營向由湖南給餉應仍撤還各原省由各該省督撫分別裁留又由長江調來水師員弁親兵當咨送粵防新立廣安水師酌量委用所有臣在粵東奏請部撥額餉添募之相軍慶字五營數字一營應即一律裁撤以免虛糜除由 臣備文咨撤外理合先行

奏明至臣稟賦羸弱素本多病九年自浙巡海入江一路按部五省以及湖河港汊凡萬餘里八月底抵

湘精實屬不支因即具摺 奏請開缺並開除巡江一切差使以期靜養醫治拜發方數日接奉 上諭

飭赴粵東辦理防務維時迭接前督 臣張樹聲公牘私函以廣東軍務萬分緊急臣即未敢以病推委力疾就

道一鞭鞍馬馳至羊城籌防調度一切三載以來感受海瘴潮溼幾於無日不疾上年臘杪諒山失利各處探

報均稱法夷將以大股於臘底新春內犯廣東臣即親赴虎門沙角炮台枕戈度歲督飭將士嚴陣待戰晝夜疾疾巡歷海埔五門各要隘復感風寒引動心忡氣逆筋骨及舊創痠痛等症今年春深致發咯血如劇數倍

宸聰

精力愈形疲憊適法甫乞款奏情臣測難遽深信仍支病體如意嚴防未敢以孱軀疾苦屢瀆

茲於七月初八日晨起作字忽覺右腕麻木不能握管兼之舌本蹇澀語言不清兼旬以來迄未鬆減大似中

風之狀召醫命藥總未見效竊云臣心血過虧非一時所能速愈尤慮日見加增不能醫治督 臣撫臣來營存

問見臣衰憊過甚相顧歎歎伏念 臣年逾七旬氣血久耗舊創時發稊証叢生今復新病踵增勢將成廢手難

作字公事稽壓心神恍惚焦灼愈甚斷非請假數月在營調理可冀就痊茲值致局大定海氛已熄凡粵省善

後事宜督 臣張之洞識量闊達謀慮精詳撫 臣倪文蔚實心任事和衷克濟自能辦理裕如日臻上理輟轉思

維惟有仰懇 聖慈准銷粵防及巡閱長江水師差使並開兵部尚書實缺放歸田里事權不屬或可攝養